

# **Сийрат дарслари (66-дарс). Беш вақт намоз гуноҳларга каффоротдир агар...**

Сийрат дарслари Шайх Мұхаммад Содиқ Мұхаммад Йосуф роҳимаҳуллоҳнинг  
«Бу – Расулуллоҳ соллаллоҳу алайҳи васаллам» таржима китоблари ва  
“Ҳадис ва ҳаёт”нинг 19-жузъи асосида бериб борилади. Мавзуларнинг тўлиқ матни  
 билан танишиш учун китобнинг ўзига мурожаат этиш тавсия этилади.

17:03 / 03.01.2020 6156

310. Анас ибн Молик розияллоҳу анҳудан ривоят қилинади:

«Расулуллоҳ соллаллоҳу алайҳи васаллам айтдилар: **«Менга аёллар ва хушбўйлик маҳбуб қилинди ва намоз кўз қувончимга айлантирилди».**

*Насойи Ҳоким ривоят қилишган.*

311. Робиъя ибн Каъб Асламий розияллоҳу анҳудан ривоят қилинади:

«Расулуллоҳ соллаллоҳу алайҳи васаллам билан бирга тунаган эдим. У зотга таҳорат сувлари ва бошқа ҳожатлари тушадиган нарсаларини келтирдим. У зот: **«Сўра», дедилар. «Жаннатда сизга рафиқ бўлишни сўрайман», дедим. «Бундан бошқани эмасми?» дедилар. «Шунинг ўзини», дедим. «Ундай бўлса, ўзинг учун кўп сажда билан менга ёрдамлаш», дедилар».**

*Муслим ривоят қилган.*

312. Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам: **«Беш вақт намоз, жумадан жумагача ва Рамазондан Рамазонгача** (бўлган ушбу ибодатлар) ўз

**ораларидаги (гұноҳ)ларға қаффоротдир, модомики кабира гұноҳлардан тийилингән бўлса», дедилар.**

*Муслим ривоят қилган.*

**«Расулуллоҳ соллаллоҳу алайҳи васаллам» китобидан**